



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

Prologus magistri Petrilombardi, in vniuersum Sentent. opus.

urn:nbn:de:hbz:466:1-38840

Prologus magi-

STRI PETRI LOMBAR-
di, in vniuersum Sentent. opus.

La. 21.



Uipientes aliquid de penuria ac tenuitate nostra cum paupercula in Gazophilacium mittere: opus ultra vires nostras agere præsumpsimus. A quo nos dehortatur infirmitas deficiente, quam tamen vincit zelus domus dei. Quo inardescens fides nostram aduersus errores carnalium atque animalium hominum Dauidicæ turris clypeis munire, vel potius munitam ostendere: ac Theologicarum inquisitionum abdita aperire, necnon & sacramentorum Ecclesiasticorum noticiam tradere studuimus. Itaque hæreticorum ora oppilare, ne virus nequitie in alios effundere queant, labore multo hoc volumen compingimus ex testimonio veritatis in quatuor libros distinctum. Non igitur debet hic labor cuiquam pigro vel multum docto videri superfluous, quum multis impigris multisque indoctis necessarius, breui volumine complicans patrum sen-

Beneuolentiam Auditorum à pio desiderio si parat.

Attentionem à rei dignitate & utilitate.

tentias, appositis eorum testimoniis, ut non sit necesse querenti librorum numerositatem euoluere, cui breuitas quod queritur offert sine labore. Ut autem quod queritur facilius occurrat, titulos quibus singulorum librorum capita distinguuntur præmissimus.

Docilitatem à dicendorum breuitate & ordine.

DE OBIECTO Theologiæ.

DISTINCT. Primæ
CAP. Primum.

Theologia aut de Rebus, aut de Signis est.

Diuiditur materia operis. Quid Res. Quid Signum. Signorum genus multiplex.

VEteris ac nouæ legis continentia circa res vel signa præcipuè versatur: ut docet August. de Doctr. Christ. Sed res etiam per signa discutuntur. Res autem dicuntur quæ non ad significandum aliquid adhibentur: Signa verò, quorum usus est in significando. Eorum autem aliqua sunt, quorum omnis usus est in significando, non in iustificando, quibus non utimur nisi aliquid significandi gratia: ut sacramenta legalia: Alia, quæ non solum significant, sed conferunt

*Lib. 1.
cap. 2.*